

Administrasjonens vurdering av ei omgjeriing av kalveskyting på ordinær kvote til uttak av vaksne dyr.

Forskrift om forvaltning av hjortevilt gjev ikkje kommunen lovheimel til ei omgjeriing av ordinær tildelt kvote midt i ein jaktseong. Dette betyr at kommunen ikkje har lov til å gjera kalveløyve om til kolleløyve når jaktseongen er i gang.

Kommunen skal ved ordinær tildeling i juni tildele dyr i alle kategoriar: kalv, Vaksne hodyr (1,5 år og eldre), spissbukk og vaksne hanndyr på fellingsløyvet. Ved svært skeiv kjønns- og alderssamansetting og/ eller eit systematisk skeivt forhold mellom kvote og avskyting i ein kategori, kan kommunen dispensere frå dette. Grunneigarane i Alver kommune slit med å levere eit tilfredsstillande uttaksnivå av kalv. Eit høgt uttak av kalv er essensielt for å heve kvaliteten av populasjonen.

Administrasjonen har i sesong 2022, som ekstraordinært tiltak i reduksjonsprosjektet, integrert fri avskyting av hjortekalv for alle hjortevald i kommunen. I tillegg til dette har storvalda fått fritt uttak av fjorkolle. Dette gjeld Myking/ Hundvingrend grunneigarlag, Holsnøy storvald, Lindås vest hjortevald og Lindås hjortevald. (47% av teljande areal i Alver kommune). Dispensasjonen frå Miljødirektoratet til kvotefri jakt på hjortekalv er gjeldande for inneverande sesong for alle hjortevalda i kommunen.

Administrasjonen har samtidig markant auka dei tildelte tall løyve frå 1279 løyve i sesong 2021 til 2061 løyver i sesong 2022.

I Alver kommune er årsaka til lav fellings prosent i hovudsak at ein ikkje skyt alle kalvane ein har fått tildelt løyve på, dernest at løyver til vaksne hodyr ikkje vert nytta. Hanndyrs løyve vert nesten alltid nytta fullt ut.

På den ordinære kvote/ tildeling kan kalv fellast i staden for vaksne dyr av begge kjønn. Dette for å holde fellingsprosenten høg. Grunneigarane i Alver nyttar seg ikkje av denne moglegheita.

Det eventuelle uttak igjennom fri kalv og fri kalv/fjorkolle av hjort i Alver kommune skal sjåast på som ein bonus, ved sidan av det ordinære planlagde uttaket. Auka uttak av kalv og fjorkollet vil gjere det igangverande reduksjons- og demografisk forbetrande avskytings prosjekt ennå meir effektfullt.

Slik administrasjonen ser på saka vil omfordeling av løyve frå kalv til hodyr gjera at ein ikkje oppnår det ein ynskjer. Det er naudsynt å ta ut mange kalvar for å kvalitetssikra den store hjortestamma i kommunen. Å anta at det vitale uttak av kalv kan skje via «fri kalv» er ei risikobasert forvaltning kor risikoen er, at uttaket vil bli fokusert på hodyr og neglisjerer kalveuttaket.

Dersom jegerane fekk valet mellom å fella kolle eller kalv, er det lite truleg at dei ville fella kalv. Mindre avskyting av kalv kan hindra oppfylling av vedtekne kommunale forvaltningsmål.

Alver kommune reduserte hjortebestanden med 10% i sesong 2021. (FAUN rapport: Aldersregistrering og bestandsvurdering i Alver etter jakta 2021). Uttaket vert auka frå 1112 dyr i 2020 til 1151 dyr i sesong 2021.

Administrasjonen vil gje fylldig orientering om uttaket av hjort for jaktseong 2022 og framdrifta i det igangverande reduksjons- og demografisk forbetrande avskytings prosjekt, når fellingsresultatet er analysert i februar/ mars.

Vennleg helsing

Mikkel Bengtsson | Rådgjevar viltforvaltning/ skog

Telefon: 56171186

Innbyggjarservice: +47 56 37 50 00

www.alver.kommune.no



ALVER
KOMMUNE